

NAQQIUT

Taarsissavaa siunnersuut ullulerneqartoq 10. august 2018

Tunngavilersuut

UKA 2018/195-imi siunnersuutip kalaallisuunngortinnerani § 1, imm. 1, aamma § 2 a, imm. 4-mi iluarsiiisoqarpoq, soorluttaa q siunnersuutip misissorneqarnerani kukkunersuisoqartoq.

Siunnersuummut nassuiaatit

Nassuiaatit nalinginnaasut

1. Aallaqqaasiut

2017-imi ukiakkut Inatsisartut ataatsimiinneranni Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat aamma Pigisanit pissarsiat ilaasa akileraaruserneqartarnerat pillugu Inatsisartut inatsisaat akuersissutigineqarput (UKA 2017/88 aamma 89).

Inatsisartut inatsisaasa imaraat, soraarnerussutisiaqalernissamut ileqqaakkanit iluanaarutit amerlanerpaartaatigut 15,3 procentinik akileraaruserneqartassasut. Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni ilaapput soraarnerussutisiaqalernissamut aningaasaateqarfiit Kalaallit Nunaanniittut, aappaanili Pigisanit pissarsiat ilaasa akileraaruserneqartarnerat pillugu Inatsisartut inatsisaanni ilaallutik soraarnerussutisiaqalernissamut aningaasaateqarfinni nunani allaniittuni soraarnerussutisiaqalernissamut ileqqaakkat ilai il.il. kiisalu Kalaallit Nunaanni aningaaserivinni soraarnerussutisiaqalernissaq siunertaralugu ileqqaakkat.

2017-imi ukiakkut ataatsimiinnermi Inatsisartut inatsisaasa taakku marluk akuersissutigineqarnissaat sioqqutilaarlugu, Naalakkersuisut Grønlandsbankenimit saaffiginnissummik tigusaqarput, aningaaseriviup siunissami IT-kkut inerisaasariaqarnissaanut annertuumik aningaasartuuteqarnerusoqarnissaa eqqarsaatigalugu, aningaaseriviit Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaannut ilanngunnagit Pigisanit pissarsiat ilaasa akileraaruserneqartarnerat pillugu Inatsisartut inatsisaannut ilanngunneqarnissaannik qinnuiginnissummik.

Grønlandsbanken ilisimatinneqarpoq, Inatsisartut inatsisaannut taakkununga marlunnet naleqquttumik allannguutissatut siunnersuuteqarnissaq pisinnaanngitsoq, piffissap

sivikippallaarnera pissutigalugu, soorlu 2018-imut aningaasanut inatsit eqqarsaatigalugu siunnersuutit 2018-imi upernaakkut ataatsimiinnissamut kinguartinneqarsinnaanngitsut. Taarsiullugu neriorsuutigineqarpoq, Grønlandsbankenip kissaatai eqqortinniarlugit, 2018-imi upernaakkut ataatsimiinnermut siunnersuummik suliaqartoqassasoq. Inatsisartunut qinersisoqarnera pequtigalugu Inatsisartut upernaakkut 2018-imi ataatsimiinnissaat taamaatiinneqarmat siunnersuut matumani pineqartoq Inatsisartut ukiakkut 2018-imi ataatsimiinnissaani saqqummiunneqassaaq.

Aningaasartuutaasussat eqqarsaatigalugit pingaartinneqarpoq, siunnersuummi matumani aalajangersakkat qallunaat inatsisaannut assingusumut sapinngisamik assigiimmik imaluunniit assigiingajammik oqaasertaqartinnissai, tamatuma aningaaserivinnut periarfissaatissammagu, IT programminik, Danmarkimi aningaaserivinnut atugassanngorlugit ineriartortinneqareersunik atuinissaq.

Siunnersuutittaaq Pigisanit pissarsiat ilaasa akileraaruserneqartarnerat pillugu Inatsisartut inatsisaata allanngortinneqarnera pillugu Inatsisartut inatsisaannut ataatsikkut saqqummiunneqartumut atatillugu isigineqassaaq.

2. Siunnersuummi immikkoortut pingaarnerit

Siunnersuutigineqarpoq, Inatsisartut inatsisaata atuuffia annertusinneqassasoq Kalaallit Nunaanni aningaaserivinni soraarnerussutisiaqalernissaq siunertaralugu ileqqaakkat ilanngunneqarlutik. Tamatuma kingunerisaanik siunnersuutigineqarpoq, ileqqaakkat taakku Pigisanit pissarsiat ilaasa akileraarusersorneqartarnerat pillugu Inatsisartut inatsisaat malillugu akileraarusersorneqartarunnaassasut, tak. tamanna pillugu siunnersuut ataatsikkut saqqummiunneqartoq.

Allannguutip nassataraa, Inatsisartut inatsisaanni aalajangersakkanik arlalinnik nutaanik aningaaserivinni soraarnerussutisiaqarnissamut ileqqaakkanik immikkut sammisaqartunik ilanngussisoqassasoq.

Tamatumani ilaatigut atuupput kontuni aningaasaateqarfiusuni ernianik kiisalu pigisanit nalilinnit iluanaarutininik annaasaqaatinillu, niuerfimmit aalajangersaavigineqartumit imaluunniit niuerfimmit arlalinnit peqataaffigineqartumit peerneqartunit aqutsinermut aalajangersaanerit. Kiisalu siunnersuutigineqarpoq aningaaseriviup akileraartarnermut ingerlatsivimmut nalunaaruteqartarneri kiisalu akileraarutininik naatsorsuisarneq pillugit, akileraarutininik akileeqqusinerit pineqartillugit aningaaseriviit sullitaasalu akornanni pissutsit pillugit kiisalu soraarnerussutisiaqarsinnaatitaasut aningaaserivinnut paasissutissanik tunniussisussaataitanerat pillugu malittarisassanik aalajangersaasoqassasoq.

Peqatigitillugu siunnersuutigineqarpoq Inatsisartut inatsisaata kalaallisoortaanit § 10, imm. 1-imi naqqiisoqassasoq.

Siunnersuutigineqarpoq, allannguutit 1. juli 2018-imi atortuulissasut, ukiumilu aningaasarsiorfiusumi 2018-imi atuutissasut. Taamaasillutik eqqarsaatigineqarput, ilaasunut tamanut, matuma ataani innuttaasunut, soraarnerussutisiaqalernissaq siunertaralugu ileqqaagaqartunut, ileqqaakkanit pissarsiat akileraarusersorneqarnerisa isumaginissaanut tunngaviusunik, IT-kkut programminik pioreersunik atuinissaq ajornannginnerullunilu akikinnerussasoq. Saniatigut eqqarsaatigineqarput naatsorsuinerit takutimmassuk, Pigisanit pissarsiat ilaasa akileraaruserneqartarnerat pillugu Inatsisartut inatsisaani malittarisassat imaluunniit Soraarnerussutisiaqalernissamut aningaasaatit ilaannit pissarsiat akileraarusersorneqartarnerat pillugu Inatsisartut inatsisaanni malittarisassat malillugit akileraarut naatsorsorneqarpat, innuttaasunut assigiinngissuteqassanngimmat imaluunniit annikitsuinnarmik assigiinngissuteqassasoq.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
	§ 1 Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni nr. 44, 23. november 2017-imeersumi makku allannguutigittinneqarput:
§ 1. Soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1, nr. 1 aamma 2, imm. 2 naapertorlugit akileraartussaataitaasut marloqiusamik akileraartannginnissamik isumaqatigiisummi aalajangersakkat malillugit naalagaaffimmi allami, Danmarkimi Savalimmiuniluunniit angerlarsimaffilittut isigineqanngitsut, inatsit manna malillugu soraarnerussutisiaqalernissamut aaqqissuussinernit soraarnerussutisiaqalernissamut aningaasaateqarfinni Kalaallit Nunaanni angerlarsimaffilinni sillimmasiisarnermillu ingerlatsineq pillugu inatsimmut ilaasuni,	1. § 1, imm. 1, ima oqaasertaqarpoq: ”Soraarnerussutisiaqarsinnaatitaasut aningaasarsianit akileraarutit pillugit inatsimmi § 1, imm. 1, nr. 1 aamma 2, aammalu imm. 2 naapertorlugit akileraartussaataitaasut marloqiusamik akileraartannginnissamik isumaqatigiisummi aalajangersakkat malillugit naalagaaffimmi allami, Danmarkimi Savalimmiuniluunniit angerlarsimaffilittut isigineqanngitsut, inatsit manna malillugu soraarnerussutisiaqalernissamut aaqqissuussinernit soraarnerussutisiaqalernissamut aningaasaateqarfinni Kalaallit Nunaanni

<p>imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffinni Kalaallit Nunaanni angerlarsimaffilinni sillimmasiisarnermillu ingerlatsinissamik Aningaasaqarnermik Nakkutilliisoqarfimmit (Finanstilsynimit) akuerineqarsimasuni pilersinneqarsimasunit akileraartussaapput.</p>	<p>angerlarsimaffilinni sillimmasiisarnermillu ingerlatsineq pillugu inatsimmut ilaasuni, imaluunniit inuunermik soraarnerussutisiaqalernissamulluunniit sillimmasiisarnermik ingerlatseqatigiiffinni Kalaallit Nunaanni angerlarsimaffilinni sillimmasiisarnermillu ingerlatsinissamik Aningaasaqarnermik Nakkutilliisoqarfimmit (Finanstilsynimit) akuerineqarsimasuni pilersinneqarsimasunit akileraartussaapput kiisalu soraarnerussutisiaqarnissaq siunertaralugu ileqqaakkanit aningaaserivinni Kalaallit Nunaanni angerlarsimaffeqartuni aalajangersimasumilluunniit ingerlatsiveqartuni, Finanstilsynimillu akuersissummik peqarlutik nunami maani aningaaseriveqarnermik ingerlatsisuni pilersinneqarsimasunit akileraarutininik, Inatsisartut inatsisaat manna malillugu akiliissapput.”</p>
	<p>2. § 2-p kingornagut ilanngunneqarpoq: ” § 2 a. Soraarnerussutisiaqarnissaq siunertaralugu ileqqaakkat aningaasatigut iluanaarutaat suulluunniit akileraarusigassanut ilanngunneqassapput. <i>Imm. 2.</i> Pisassarisanit annaasat naatsorsuinermi ilanngunneqassanngillat, pisassarisanit erniatigut isertitat pisassarisanilluunniit iluanaarutit, marloriaammik akileraarnissaq pinngitsoorniarlugu isumaqatigiissutip kingunerisaanik akileraarusigassat naatsorsorneranni ilanngunneqartussaanngippata. <i>Imm. 3.</i> Aningaasanut tigorianaannut kontut erniaat, pappiaqqat aningaasanik nalillit pappiaqqanit aningaasanik nalilinnit allanit aningaaseriviup pigisaanit immikkoortinneqartut iluanaarutaat tunngavigalugit tunniunneqartut</p>

	<p>akileraaruteqaataasussat naatsorsorneranni ilanngaatisat ilanngaatigereerlugit ukiumut iluanaarutit tamarmiusut ilanngunneqassapput. Kontup taamaattup atorunnaarsinneqarnerani uninngasuutinut tunngatillugu iluanaaruteqarpat annaasaqaateqarpalluunniit assigiinngissut taanna akileraarusigassanut ilanngunneqassaaq.</p> <p><i>Imm. 4.</i> Ingerlatseqatigiiffinnit suliffeqarfissuarmut atasuusunit pisassarisatigut annaasat ilanngaatigineqarsinnaanngillat. Annaasat ilanngaatigineqarsinnaanngitsut, piffissami pisassarisat pissarsiarineqarfianni nalingat tunngavigalugu naatsorsorneqassapput, nalingisa allanngorarnarat apeqqutaatinnagu, taamaattorli tak. imm. 6-8.</p> <p><i>Imm. 5.</i> Ingerlatseqatigiiffiit suliffeqarfissuarmut atasuusut tassaapput 1) ingerlatseqatigiiffiit peqatigiiffillu il.il., aktiaatillit allanngoratik piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani aktiatigut aningaasaatit 50 procentiinit amerlanerusunik toqqaannartumik toqqaannanngitsumilluunniit piginnittuuffigisaat, 2) ingerlatseqatigiiffiit peqatigiiffillu il.il., aktiaatillit allanngoratik piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani taasisinnaanerit 50 procentiinit amerlanerusunik toqqaannartumik toqqaannanngitsumilluunniit pisinnaatitaaffigisaat, 3) aningaasaateqarfik ingerlatseqatigiiffillu, aningaasaateqarfiup piffissami pisassarisap pissarsiarineqarfiani</p>
--	--

	<p>kingusinnerusumiluunniit ingerlatseqatigiiffinni tamani aktiatigut aningsaasaatit 50 procentiinit amerlanerusunik toqqaannartumik toqqaannangitsumilluunniit piginnittuuffigisai, imaluunniit 4) aningsaasaateqarfik ingerlatseqatigiiffiillu, aningsaasaateqarfiup piffissami pisassarisap pissarsiarineqarfiani kingusinnerusumiluunniit ingerlatseqatigiiffinni tamani taasisinnaanerit 50 procentiinit amerlanerusunik toq- qaannartumik toqqaannangitsumilluunniit pisinnaatitaaffigisai. Aktiaatillit aningasarsianit akileraarutit pillugit Inatsisartut inatsisaanni § 86, imm. 3- mi taaneqartut aktiaatillit kikkuunerinik naliliinermi tassaatinneqassapput aktiaatillit taakkoqqissaat. Taasisinnaanerit ilaannik qassinik peqarnermik naatsorsuinermit ilanngunneqassanngillat taasisinnaanerit, aktianik pisisinnaanermik qularnaarinermit atatillugu taamaallaat tunniunneqarsimasut. <i>Imm. 6.</i> Imm. 4 atuutissanngilaq pisassarisat nioqqutissanik pigisanillu allanik tunisaqarnikkut kiisalu sullissinikkut akiliutitut akileraaruteqaataasussatut pisassarilerneqarsimappata, akiligassaqarfi- usorlu akiligassaqartorlu ataatsimut akileraartussaasimangippata, imaluunniit pisassarisat ataatsimut akileraartussaanerup kipinerata kingorna pilersinneqarsimappata. Tamannali aatsaat atuutissaaq akiitsutigut iluaaarutit akiligassaqartumut akileraaruteqaataasussaanerit imaluunniit amigartoorutinik annaasaqaatinillu ilangaatigineqarsinnaasunik suli ilangaatigineqarsimangitsunik ikilisitsi- sarneq pillugu maleruagassani pineqartunut ilaanerit uppersaatissaqartinneqarpat.</p>
--	---

	<p>Akiligassaqaarfiup ilanngaatiginnissinnaanera akiligassallip akileraaruteqarnissaanut aammalu amigartoorutinik annaasaqaatinillu ilanngaatigineqarsinnaasunik suli ilanngaatigineqarsimannngitsunik ikilisitsinissaanut aalajangiisuuppat iluanaarutit aalajangersagaq taanna malillugu akileraaruteqaataasussatut aammalu amigartoorutinik annaasaqaatinillu ilanngaatigineqarsinnaasunik suli ilanngaatigineqarsimannngitsunik ikilisitsisarneq pillugu maleruagassani pineqartunut ilaasutut isigineqassapput. Imm. 1 aammattaaq atuutissanngilaq obligationitigut pisassarisatigulluunniit allatigut, aaqqissuussaasunik niuerfimmi nioqqutigineqarsinnaasutut akuerisaasutigut annaasaqaatinut.</p> <p><i>Imm. 7.</i> Imm. 4 aamma erniatigut pisassarisanut atuutissanngilaq, erniat pineqartut akiligassaqaarfiup aningaasarsiaasa akileraaruteqaataasussat naatsorsorneranni ilanngunneqarsimappata, akiligassaqaarfiusorlu akiligassaqaartorlu ataatsimut akileraartussaasimanngippata imaluunniit pisassarisat ataatsimut akileraartussaanerup kipinerata kingorna pilersinneqarsimappata.</p> <p><i>Imm. 8.</i> Imm. 4 aamma akileraartussaataitaasunut pisassarisanik pisisarlutillu nioqquteqarnermik inuussutissarsiuteqartunut imaluunniit aningaasalersuinikkut inuussutissarsiummik ingerlataqartunut atuutissanngilaq, ingerlatseqatigiiffissuarmut attuumassuteqarneq akiligassaqaarfiup siusinnerusukkut taarsigassarsiarititat akilersorneqarnissaat pillugu akiligassallip suliffeqaarfiutaanik ingerlatsigallarneranik imaluunniit inuussutissarsitigalugu suliffeqaarfinnik aaqqissuusseqqinnermi</p>
--	--

	peqataanerani taamaallaat peqquteqarsimappat.”
<p>§ 10. Akileraartussaataasut § 1, imm. 2-mi taaneqartut, inatsisitigut inuttut isigineqarsinnaasumi, § 26, imm. 4 takujuk,[1] piginneqataassutiminnit pissarsiatik akileraaruteqaataasussat naatsorsorsinnaavaat piginneqataassutiminnit pissarsiamik aamma piginneqataassutiminnit iluanaarutimik annaasamillu imm. 2 malillugu naatsorsukkat katinnerattut, taamaattorli imm. 3 aamma 4 takukkit, inatsisitigut inuttut isigineqarsinnaasoq Kalaallit Nunaanni akileraarnermut malittarisassat malillugit akileraartussaataasutut taasaangippata. Piumasaqaataavoq akileraartussaataasup ukiup aningaasarsiorfiusup ingerlanerani arlaatigut inatsisitigut inuttut isigineqarsinnaasumut ingerlatseqatigiiffissuakkt atassuteqarsimanginnissaa, aningaasalersuineq pillugu inatsimmi § 5 naapertorlugu. Oqaaseqatigiit siulliit aappaallu taamatuttaaq atuutissapput, aningaasaliissuteqartarnermut peqatigiiffik kontuinnaalik aqqutigalugu aningaasaliissuteqartoqarpat.</p>	<p>3. § 10, imm. 1, ima oqaasertalerneqassaaq:</p> <p>”§ 1, imm. 2-mi akileraartussaataasut taaneqartut, pissarsianik akileraarutaasussaasunik inatsisitigut pisussaataasumit pissarsianit iluanaarutit katinnerattut naatsorsorsinnaagaat aamma pissarsianit iluanaarutit annaasaqaatillu imm. 2 naapertorlugu naatsorsorneqartut, taamaattorli tak. Imm. 3 aamma 4, inatsisitigut pisussaataasooq Kalaallit Nunaanni akileraarnermut inatsisit naapertorlugit namminersorluni akileraarnermi iliuuseqartuunngippat. Piumasaqaataavoq, akileraartussaataasooq ukiumi isertitaqarfiusumi qaqugukkulluunniit inatsisitigut pisussaataasumut suliffissuakkt attuumassuteqassanngitsoq, tak. aningaasanik ingerlataqarneq pillugu inatsisip Kalaallit Nunaannut atuutinneqarnera pillugu peqqussummi § 5. Oqaaseqatigiit siulliit aamma aappaat assinganik atuupput, aningaasaliineq aningaasaliisarfik kontonik ingerlatsiviusooq atorlugu pippat.”</p>
	<p>4. § 11-mi imm. 7-itut 8-tullu ilanngunneqarput:</p> <p>”Imm. 7. Aktianit piginneqataassutinilluunniit aaqqiissuussaasumik niuerfimmit assigiinngitsorpassuarnilluunniit niuerfimmit nalunaarsugaajunnaartunit iluanaarutimik annaasaqaatinillu naatsorsuinermi aktiat anpartilluunniit uninngasuutigineqartut imm. 3 malillugu akileraaruserneqartussat nalunaarsugaajunnaarnertik sioqqullugu nalingat nalunaarsorneqartoq kingulleq</p>

	<p>malillugu tunineqartutut isigineqassapput. Akileraartussaasup naliliussat oqaaseqatigiit siulliit malillugit naatsorsorneqartut pillugit paasissutissat Inatsisartut inatsisaat manna naapertorlugu akileraarusiinissami atorneqartussat ukiut tamaasa ukiumi aningaasarsiorfiusumi kingusinnerpaamik 1. december aningaaserivimmut nalunaa- rutigisassavai. Akileraartussaasoq oqaaseqatigiit siulliit malillugit naliliussanik aningaaserivimmut piffissaagallartillugu nalunaaruteqanngippat, aningaaseriviup uninngasuutigineqartut imm. 3, taamaattorli takuuk imm. 8, malillugu naatsorsorneqarneranni pisiarineranni akiat tunngavigissavaa.</p> <p><i>Imm. 8. Imm. 7 aktianut piginneqataassutinulluunniit aaqqissuussaasumik niuerfimmi assigiinngitsorpassuarnilluunniit niuerfimmi nalunaarsugaasimasunut atuutinngilaq, ingerlatseqatigiiffiup akiliisinnaajunnaarnera eqqartuussivimmit nalunaarutigineqarsimappat. Aammattaaq imm. 7 aktianut anpartinulluunniit aaqqissuussaasumik niuerfimmi assigiinngitsorpassuarnilluunniit niuerfimmi nalunaarsugaasimagaluarlutik nioqqutaajunnaarsikkallarneqarsimasunut atuutinngilaq. Iluanaarutiniq annaasaqaatinillu imm. 3 malillugu naatsorsuinermi aktiat piginneqataassutilluunniit nioqqutaajunnaarsikkallarneqarnissartik si- oqqullugu nalingat nalunaarsorneqarsimasut oqaaseqatigiit aappaat malillugu nalilerneqassapput.”</i></p>
	<p>5. § 16-ip kingornagut ilanngunneqarpoq: ” § 16 a. Aningaaseriviit akileraarusigassat amerlassusiisa taakkualu ilaasa</p>

	<p>akilaraaruteqaataasussat kiisalu soraarnerussutisiaqarnissamut aaqqissuussinerit ataasiakkaat akilaraaruteqaataasussat § 1, imm. 1-imi pineqartut akilaraarutitaasa naatsorsorneqarnerat ukiumi ukiup aningaasarsiorfiusup tulliani kingusinnerpaamik 22. januar akilaraaruseriffimmut nalunaarutigissavaat. Ukiumi aningaasarsiorfiusumi akilaraarutissaviit naatsorsorneqartut ukiumi, ukiup aningaasarsiorfiusup tulliani 8. januarimiit ukiumi, ukiup aningaasarsiorfiusup tulliani 15. januarip tungaanut erniaat naatsorsorneqassapput. Akilaraarutit ernianik naatsorsorneqartunik ilallugit naatsorsukkap nassiunneqarnerata ilutigisaanik akilerneqassapput. Aningaaseriviup erniat soraarnerussutisianik ileqqaartut sinnerlugit akilissavai, kingornalu aalajangersakkat aningaaserivinni ataasiakkaani aalajangersarneqartut aallaavigalugit soraarnerussutisiaqarnissamut ileqqaagaqartunut ataasiakkaanut tunngatillugu immikkut ernialersuisinnaallutillu ernianik akiliisitsisinnaallutik. Ukiumi ukiup aningaasarsiorfiusup tulliani erniat ernianut § 22, imm. 5-imi taaneqartunut naapertuutissapput.</p> <p><i>Imm. 2.</i> Aningaaseriviup akilaraarutit kontomit akilaraarutit tunngassuteqarfigisaannit, ulloq piffissaagallartillugu akilerneqarfissaat sapaatit akunneranik ataatsimik sioqqullugu tigussavai. Aningaasanut kontomi pappiaqqanik nalilinnik uninngasuutinut attuumassuteqartumi matussutissaqanngikkaluarpalluunniit aningaaseriviup aningaasat tigussavai.</p>
--	--

	<p>Kontomik piginnittup konto imassarisaanik imaqanngippat, taava aningaasat amigaataasut ernialersorneqassapput aningaasariviup uninngasuutit ernialersorneqartarnerat malillugu, imaluunniit aningaaseriviup kontomik piginnittoq allakkatigut nalunaarfianiit konto aningaasanik amigaateqarneranik, atukkiinermut ernialersuisarneq malillugu, imm. 6 aalaavigalugu.</p> <p>Aningaasartuutigineqartoq isertitanit akileraarutaasussanit pensionisiaqarsinnaatitaasumit naatsorsuusiarineqartunit ilanngaatigineqarsinnaanngilaq.</p> <p>Aningaaseriviup akileraarutit akilerneqarnerisa kingorna kingusinnerpaamik sapaatit akunneri 8-t qaangiunneranni akileraartussaasumut ilisimatitsissutigissavai. Konto sipporneqarsimappat kontup aningaasanik qanoq amerlatigisunik sipporneqarsimanera aningaaserivimmit soraarnerussutisiaqarsinnaatitaasumut ilisimatitsissutigineqassaaq.”</p>
	<p>6. § 17-imi imm. 4-tut ilanngunneqarpoq: ” Imm. 4. Aningaaseriviit imm. 1 malillugu akileraarutit akiligassanngortut sinneri imm. 3 malillugu erniaat ilanngullugit, ukiumi ukiup aningaasarsiorfiusup tulliani kingusinnerpaamik 22. januar akileraaruseriffimmut nalunaarutigalugillu akilissavaat. Ilutigitillugu nassiunneqassaaq akileraarusigassat amerlassusiisa taakkualu ilaasa akileraaruteqaataasussat kiisalu soraarnerussutisiaqarnissamut aaqqissuussinerit akileraaruteqaataasussat § 1, imm. 1-imi pineqartut akileraarutitaasa naatsorsorneqarnerat. Akileraarutit sippuutaasa aningaasartaat ernianik imm. 3</p>

	malillugu naatsorsukkanik ilallugit aningaaserivimmut tunniunneqassapput.”
	7. § 18-imi imm. 3-tut ilanngunneqarpoq: ”Imm. 3. Akileraartussaaitap naliliussat § 11, imm. 7 malillugu naatsorsorneqartut pillugit paasissutissat aningaaseriviup naatsorsuinissaani imm. 1-imi taaneqartumi atorineqartussat aningaaserivimmut tunniutissavai.”
<p>§ 22. Imm. 5. Akileraarutissat §§-it 16-19 malillugit soraarnerussutisiaqalernissamut aningaasaateqarfimmit akilerneqarsimasut allanngortinneqarpata, ukiup aningaasarsiorfiusup kingorna februaarip ulluisa 20-annit kisitsit assigiinngissutaasoq ernialersorneqalissaaq, akiliisoqarnissaata tungaanut. Ukiumut aningaasarsiaqarfiusumut ernialersuinnermut tunngasumi erniat, qaammatisiutit ukiuanni siuliani qaammatini juulimi, aggustimi septembarimilu aningaasalersuinnermik ingerlatseqatigiiffiunngitsunut tiguisinnaatitaanermut Danmarkip aningaaserivissuata Danmarks Nationalbankip ernialiuttagaa nalinginnaasumik agguaqatigiissitaq tunngavigalugu naatsorsorneqartassaaq. Aningaasalersuinnermik ingerlatseqatigiiffiunngitsunut qaammatikkaartunik tiguisinnaatitaanermut Nationalbankip qaammatikkaartumik ernialiuttagaa naatsorsorneqartoq, inoqutigiinnut aningaasalersuinnermillu ingerlatseqatigiiffiunngitsunut toqqortikkanut taarsigassarsianullu aningaasalersuinnermik ingerlatseqatigiiffiit ernialiuttagaat pillugit kisitsisitigut paasissutissat pillugit Europami qitiusumik aningaasaateqarfissuup Den Europæiske Centralbankip peqqussutaa (EF)</p>	<p>8. § 22, imm. 5-imi oqaaseqatigiit aappaattut nutaatut ilanngunneqarput: ”Akileraarutit aningaasartaat aningaaserivimmit, §§-it 16-imiit 18-imut malillugit akilerneqarsimasut allanngortinneqarpata aningaasat nikingassutaasut ukiumi, ukiup aningaasarsiorfiusup tulliani ulloq 8. januarimiit, akiliisoqarnissaata tungaanut ernialersorneqassapput.”</p> <p>Oqaaseqatigiit aappaanniit arfineq-aappaannut matuma kingorna tassaalerput oqaaseqatigiit pingajuanniit arfineq-pingajuannut.</p>

<p>nr. 63/2002 ulloq 20. december 2001-meersoq (ECB/2001/18) naapertorlugu naatsorsorneqartassaaq.</p> <p>Aningaasalersuinermik ingerlatseqatigiiffiunngitsunut qaammatikkaartumik Nationalbankip tigatoriaannarnut erniaq naatsorsortagaa, naatsorsorneqassaaq taarsigassarsiaritanut utertinneqartussanut erniaviup oqimaalutakkamik agguaqatigiissinneqarneratut, uniffiup kingorna marlunnik kisitsisitalerlugit naatsorsukkanik. Oqaaseqatigiit aappaanni nalinginnaasumik agguaqatigiissitsineq naatsorsorneqassaaq uniffiup kingorna ataasiinnarmik kisitsisitalikkamik. Ernialu qaammatisiutit ukiuat ukiumut aningaasarsiaqarfiusumut naapertuuttoq sioqqullugu kingusinnerpaamik decembarip ulluisa 15-ianni saqqummiunneqartassaaq. Taamaattorli annerusumik akileraarutaasussat piffissaliussap imm. 4-mi taaneqartup kingorna akilernerqarpata ernialu pineqartoq taamaallaat naatsorsorneqassaaq ullormut piffissaagallartillugu akiliiffissamut kingullermut.</p>	
<p>§ 22. <i>Imm. 5, 5. pkt.</i> Agguaqatigiissitsineq nalinginnaasoq, tak. Oqaaseqatigiit aappaat, decimalimik ataatsimik nalilerneqartassapput.</p>	<p>9. § 22, <i>imm. 5</i>-imi oqaaseqatigiit arfernat ima oqaasertaqarpoq: ”Nalinginnaasumik agguaqatigiissitsineq, tak. oqaaseqatigiit pingajuat, uniffiup kingorna ataatsimik kisitsisilerlugu naatsorsorneqassaaq.”</p>
	<p>10. § 24-p kingornagut ilanngunneqarpoq: ” § 24 a. Akileraartussaasup § 11, <i>imm. 7</i> malillugu naliliussat aningaaserivimmut piffissaagallartillugu nalunaarutiginnippagit, aningaaseriviup §§-it 16 a aamma 18 malillugit naatsorsukkamik tunniussinnermut atatillugu akileraaruserivimmut</p>

	<p>ilisimatitsissutigissavaa, naliliussap pineqartut pillugit paasissutissat tiguneqarsimanngitsut. Tamanna pereerpat akileraaruseriffiup akileraartussaasoq nalunaarfigissavaa pineqartoq § 11, imm. 7 malillugu naliliussat pillugit paasissutissanik aningaaserivimmu nassiussisimanngitsoq, aningaaserivillu tamatuminnga ilisimatissallugu. Akileraartussaasup § 11, imm. 7 malillugu naliliussat pillugit paasissutissat nalunaarfigineqarnermi kingorna kingusinnerpaamik qaammatip ataatsip qaangiunnerani aningaaserivimmu nalunaarutigissavai.”</p>
	<p style="text-align: center;">§ 2</p> <p>Inatsisartut inatsisaat 1. juli 2018-imi atuutilissaaq.</p> <p><i>Imm. 2.</i> Inatsisartut inatsisaat ukiumit aningaasarsiorfiusumit 2018-imit atuutilissaaq.</p>

3. Pisortanut aningaasaqarnikkut allaffissornikkullu sunniutissai

Inatsisartut inatsisaata atuuffiata annertusineqarneratigut Inatsisartut inatsisaannik iluanaarutit ukiumi siullermi 1-4 mio. kr.-inut tagginneqartunik annertunerulersissavai. Qaffariaatilli Soraarnerussutisiaqalernissamut aningaasaatit ilaannit pissarsiat akileraarusersorneqartarnerat pillugu Inatsisartut inatsisaannik iluanaarutit appariaateqarnerisigut naligiissinneqassaaq. Ataatsimut isigalugu allannguutit taakku iluanaarutitut sunniuteqanngingajassasut naatsorsuutigineqarpoq.

Allannguut allaffissornikkut akileraartarnermut ingerlatsivimmu oqilisaataassaaq, tassani aningaaseriviit allaffissornikkut akiliisitsiniartarnermillu suliassat annertuut tigussamatigik. Missingerneqarpoq, ukiumut inuup ataatsip piffissami tamakkiisumi sulineranik sipaaruteqartoqassasoq.

4. Inuussutissarsiornermut aningaasaqarnikkut allaffissornikkullu sunniutissai

IT-mik aqqissuussinernik ineriartortitsinermut, ingerlatsinermut aserfallatsaaliinermullu atatillugu siunnersuut aningaaserivinnut annertuumik sipaaruteqaataassasoq nalilerneqarpoq. Sipaarutit millioninik amerlanerussasut aningaaserivinnit missingerneqarpoq.

Aningaaseriviit allaffissornikkut akiliisitsiniartarnikkullu suliassaas annerpaat IT-kkut aqqissuussinernit naammassineqartassapput. Naatsorsuutigineqarporli, Inatsisartut inatsisaannut atatillugu suliassanik suliarinninnermut aningaaseriviit sulisunik atuinerannut siunnersuut annertusaassasoq.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut, pinngortitamut inuillu peqqissusiannut sunniuteqassanngilaq.

6. Innuttaasunut sunniutissai

Bank Nordikip kiisalu GrønlandsBankenip naatsorsuinerisa takutippaat, Pigisanit pissarsiat ilaasa akileraarusersorneqartarnerat pillugu Inatsisartut inatsisaat naapertorlugu imaluunniit Soraarnerussutisiaqalernissamut aningaasaatit ilaannit pissarsiat akileraarusersorneqartarnerat pillugu Inatsisartut inatsisaat naapertorlugu akileraarutip naatsorsorneqartarnerani assigiinnngissuteqanngitsoq imaluunniit annikitsuaannarmik assigiinnngissuteqartoq. Akileraarusersuinerit naatsorsorneqarnerini inatsit siulleg aappaalluunniit atorneqaraluarpat pensionisiassanik sullinneqartunut ataasiakkaanut pitsaanngitsumik kinguneqassanngitsoq aningaaseriviit naliliipput.

Soraarnerussutisiaqarnissamut ileqqaartut sisamat 2016-imi pissarsiaat tunngavigalugit naatsorsuinerit suliarineqarput. Ataani skemami naatsorsuinerit paasinarsarlugit takutinneqarput:

	A	B	C	D
2016-ip aallartinnerani aningaasaatit	1.690.892 kr.	501.748,79 kr.	79.345,37 kr.	220.579,04 kr.
Ukiumi akiliutit	7.158 kr.	2.124 kr.	52.000 kr.	0 kr.
Ukiumi kingullermi pissarsianit akileraarutit akilerneqartut	28.131 kr.	8.347,46 kr.	1.286,33 kr.	64,93 kr.
Akitsuutit akilerneqartut	2.401 kr.	712,50 kr.	93,75 kr.	0 kr.
Aningaasat tigusat	0 kr.	0 kr.	0 kr.	0 kr.
2016-imi	32.822 kr.	9.739,00 kr.	1.176,55 kr.	109,24 kr.

tamakkiisumik pissarsiat				
2016-ip naanerani aningaasaatit	1.700.340 kr.	504.551,83 kr.	131.141,84 kr.	220.623,35 kr.
Pigisanit pissarsianut akileraarut (15,3 pct.)	5.022 kr.	1.490,07 kr.	180,01 kr.	16,71 kr.
PAL-imut akileraarut (15,3 pct.)	4.875 kr.	1.446,57 kr.	179,78 kr.	16,71 kr.
Nikingassut	147 kr.	43,50 kr.	0,23 kr.	0 kr.

* Tak.: Akileraarummut akiliutip ukiumut 0-imiit 147 kr.-illu akornani appariaateqarfiusutut tabeli atuarneqassaaq.

Siunnersuut innuttaasunut allaffissornikkut oqilisaanermik nassataqassaaq, tassani aningaaseriviit akileraarutininik nalunaarutiginninneq akiliinerlu isumagilissammassuk.

7. Sunniutissat allat annertuut

Siunnersuut allanik annertuunik sunniutissaqanngilaq

8. Oqartussaasunik kattuffinnillu il.il. tusarniaaneq

Siunnersuut pigisanit pissarsiat ilaasa akileraaruserneqartarnerat pillugit Inatsisartut inatsisaata allangortinneqarneranik siunnersuut peqatigalugu piffissami 2018-imi 17. maajimiit 15. juunimut tusarniaassutigineqarpoq ukunani: SISA, PFA Soraarneq, Sulisitsisut (GE), NUSUKA, KNAPK, SIK, IMAK, ASG, PPK, AK, NPK, KANUKOKA, Kommune Kujalleq, Kommuneqarfik Sermersooq, Qeqqata Kommunia, Qaasuitsup Kommunia, Grønlandsbanken, Bank Nordik, Forsikring og Pension, Naalakkersuisut Siulittaasuata Naalakkersuisoqarfia, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik

Tusarniaanermut akissutit ukunanga tiguneqarput: Naalakkersuisut Siulittaasuata Naalakkersuisoqarfia, Sulisitsisut (GE), Bank Nordik, GrønlandsBanken, IMAK, SISA, PFA Pension, Qeqqata Kommunia aamma ASG.

Ataani tusarniaaffigisat oqaaseqaataannit pingaarnersiukkat allannermik *kipungasumik* allanneqarput, Naalakkersuisut oqaaseqaataat allannermik nalinginnaasumik allassimallutik.

Aningaaseriviit maannakkut PAL-imi akileraarusiisarnermik atuinissamut periarfissaqalernerat neriulluarnartoq GrønlandsBANKEN isumaqarpoq. Aningaaserivik naliliivoq allanngartitsinissamik siunnersuuteqarneq Kalaallit Nunaanni aningaaserivinni, Namminersorlutik Oqartussani allaffissornermi annertuunik sipaaruteqarnerannik malitseqassasoq, taamaalillunilu Kalaallit Nunaanni soraarnerussutisiassanik ileqqaarnermi sipaaruteqartoqassasoq.

Allanngartitsinissamik siunnersuut pillugu tusarniaanerup ingerlaneranut tunngatillugu pilersitsiviulluarnarujussuarmik ingerlasoqarneranut GrønlandsBANKEN uppersaarusuppoq.

Tusarniaavigineqartut allat siunnersuutitut oqaaseqaateqanngillat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Allannguutip nassataraa, soraarnerussutisiaqalernissaq siunertaralugu ileqqaakkat aningaaserivinni, Kalaallit Nunaanni aalajangersimasumik ingerlatsiveqartuni kiisalu nunami maani aningaaserivimmik ingerlatsinissamut Finanstilsynet-imik akuersissummik pigisaqartuni pilersinneqartut, Inatsisartut inatsisaannut ilaatinneqalissasut.

Tamatuma kingunerisaanik soraarnerussutisiaqalernissaq siunertaralugu ileqqaakkat Kalaallit Nunaanni aningaaserivinniittut tamarmik Soraarnerussutisiaqalernissamut aningaasaatit ilaannit pissarsiat akileraarusersorneqartarneri pillugit Inatsisartut inatsisaannut ilaatinneqalissapput.

Nr. 2-mut

Aalajangersagaq malillugu pappialanit nalilinnit ukiumoortumik pissarsiat katillugit, pappialanit aningaaseriviup pigisaanit allanit immikkoortinneqarsimasut, aningaaseriviit aningaasaateqarfimmut aaqqiissutaanniittut erniaasa akileraarutaasussaataasut naatsorsorneranni ilanngunneqassapput. Pappialat nalillit pappialanit nalilinnit aningaaseriviup pigisaanit allanit immikkoortinneqarnissaannur piumasaqaat ilaatigut isumaqarpoq, pappialanit nalilinnit allanit aningaasarsiat aningaaseriviup nammineq aningaasarsiaanit akileraarutaasussaataasunik naatsorsuinermi ilaannginnissaat, matuma ataani aningaaseriviup nammineq pappialat nalillit immikkoortitat pillugit nunap allap akileraarutaanik oqilisaasinnaannginneranik.

Aningaasaateqarfimmi aaqqiissuummi erniat akileraaruteqaataasussat naatsorsornerini pappialanit nalilinnit ilanngaaseereerluni ukiumoortumik iluanaarutit tamarmik, pappialanit nalilinnit aningaaseriviup pigisaanik allanit immikkoortinneqarsimasut ilanngunneqassapput. Taamaasilluni erniat akileraaruteqaataasussat pappialanit nalilinnit ilanngaaseereerluni ukiumoortumik iluanaarutit tamarmik, pappialanit nalilinnit aningaaseriviup pigisaanik allanit immikkoortinneqarsimasut tunngavigalugit naatsorsorneqassapput, tamanna pissaaq pappialat nalillit pillugit aningaaseriviup nunap allap akileraarutaanut aningaasartuuteqarnerit ilanngaavigereerneratigut. Taamaasilluni aningaaseriviup pappialaatinut nalilinnut toqqaannangitsumik akileraaruteqaatissaanut oqilisaanneqarsinnaanngillat, akileraarutinulli taakkununga aningaasartuutit erniani pissarsiassani ilanngaassutigineqassapput.

Oqaatigineqassaaq, toqqaannartumik akileraarutit, § 15-imi malittarisassat malillugit oqilisaavigineqartut, imm. 3 malillugu erniat akileraaruteqaataasussaasut naatsorsornerini ilanngaavigineqarsinnaanngillat.

Obligationinit il.il. ernianit aningaasarsiat akileraaruteqaataassapput.

Soraarnerussutisiaqalernissamut pissarsianik akileraarutaasussaasut nalinginnaasumik nalinit pissarsianik akileraarutaasussaapput, soorlu annaasat ilanngaavigineqarsinnaasut. Suliffeqarfinnilli suliffissuarnut atasunit pissarsiassat annaasat ilanngaavigineqarsinnaanngillat, tassani annaasat ilanngaavigineqarsinnaanngitsut, pissarsiassat pisiarineqarnerani aningaasat nalingisa allanngorarnerat eqqarsaatiginagu piffissami tassani aningaasat nalingi tunngavigalugit naatsorsorneqartarmata.

Suliffeqarfinnut suliffissuarnut atasunut atatillugu killilersuinerit ilaatigut sanaartornernut aningaasaliinernit annaasanut ilanngaateqartitsinissaq pinngitsoorniarlugu tunngavilersorneqarpoq. Aalajangersagaq atunngippat suliffissuup suliffissuarmut allamut sanaartornermut aningaasaliinissamut taarsigassarsisitsinermini, aningaasaliineq iluatsinngippat, annaasaqarnermini ilanngaateqartitsisinnaassaaq kiisalu aningaasaliineq iluatsippat akileraarusigassaannngitsunik aktianik pissarsiaqassalluni.

Siunnersuut malillugu pappialamik nalilimmik annaasaqarneq ilanngaataasinnaanngilaq, pappialamik nalilimmik pissarsiat imaluunniit pappialamik nalilimmik iluanaarutit, marloriaammik akileraartarneq pillugu isumaqatigiissut naapertorlugu akileraarnissamut tunngavimmi naatsorsuinerimi ilanngullugu naatsorsorneqartussaannngippat. Aalajangersakkamut aamma ilaapput pappialat nalillit kiisalu pissarsiassaannaanngitsut. Tamanna aningaaserivinni aaqqiissutinik piginnittut akileraartussaataasut pillugit Inatsisartut inatsisaanni aalajangersakkani immikkut ittuni tunngavilersorneqarpoq, tamannalu aningaasarsianit akileraarutit pillugit inatsimmi aalajangersakkamiit siammasinnerusoq.

Siunnersuut malillugu akiitsunit iluanaarutit annaasallu akileraarusersuinerimi tunngavimmut ilanngullugit naatsorsorneqartassapput. Kisiannili taarsigassarsiaviit imaluunniit taarsigassarsianik akiitsut siunnerisa naleqqersuutitigut iluarsivigineqarnerini annaasat ilanngaavigineqarsinnaanngillat. Malittarisassatullu pingaarnertutaaq akiitsunit annaasanik ilannaagiissoqarsinnaanngilaq, tunniussiffiup piviusup nalaani nalinganut sanilliullugu akiliineq siusinaarluni aalajangikkamik qaffasinnerusumik nalilimmik pissappat. Tamanna pisuni taakkunani akileraarusersuinerimi assigiinnissaq eqqarsaatigalugu tunngavilersorneqarpoq, tassani akiitsortitsisoq, inuiusoq, nalinginnaasumik akerlianik iluanaarutinik akileraartussaataasannngimmat.

Siunnersuut malillugu akiitsortoq suliffeqarfinnut suliffissuarnut akiitsunit iluanaaruteqarnissani naatsorsuutigissanngilaa, akiitsortitsisup pissarsiarisanit assiganik annaasaqarnerit ilanngaateqartissinnaanngippagit.

Siunnersuut malillugu aningaaserivinni aaqqiissutinik piginnittut aningaasaqarnikkut isumaqatigiissutinik iluanaarutit imaluunniit annaasaqaatit akileraarutigisussaassavaat.

Aningaaserivinni aaqqiissutinik piginnittut aktianit, piginneqataassutsinit kiisalu piginneqataaermullu uppernarsaatinit iluanaarutit akileraarutigisussaassavaat.

Aningaaserivinni aaqqiissutinik piginnittut aktianit, piginneqataassutsinit, piginneqataaermut uppernarsaatinit kiisalu obligationinik allannngortinneqarsinnaasunit aamma pisisinnaanermut pisinnaatitaaffinnik allanillu pisinnaatitaaffinnik iluanaarutit annaasaqaatillu akileraarutigisussaassavaat.

Siunnersuut malillugu aningaasaliisarnermut peqatigiiffinni aningaasaliinermut peqatigiiffimmi uppernarsaatinik pissarsiat kiisalu iluanaarutit imaluunniit annaasaqaatit, ilaasortaasut akiliutaannut, kiisalu iluanaarutinit akileraarutaannut, nunanit allanit, Danmarkimit, Savalimmiunillu peqatigiiffinni taama ittuni ilaasortanut taakku avaqqullugit toqqaannartumik utertillugit akilernerqartut tunineqarsinnaasunik uppernarsaatinik tunniussisut akileraarusersuinermit tunngavimmut ilanngullugit naatsorsorneqassapput. Siunnersuut malillugu aningaasaliinermut peqatigiiffimmit iluanaarutit tamarmik akileraarutigineqartussaassapput, soorlu aningaasaliinermut peqatigiiffimmi uppernarsaatinit pissarsiat imaluunniit annaasaqaatit akileraarutigineqartussaassasut. Tamanna naleqqersuutinik obligationit pillugit siunnersuummut atassuteqarpoq.

Aningaaserivinni aaqqiissutinik piginnittunut aktiaatileqatigiiffinnit il.il. unitsitsinermit iluanaarutinik tunniussinermit pissarsiat aamma annaasaqaatigisat akileraarutigisassaassapput.

Akileraarusersuinermit apeqqutaanngilaq, pappialat nalillit allamiut aningaasarineraat. Allamiut aningaasaannit pissarsiat akileraarutigisassaassapput.

Illuummik aalajangersimasumik ingerlatsinermit sinneqartoorutit imaluunniit amigartoorutit kiisalu illuummik aalajangersimasumik iluanaarutit imaluunniit annaasaqaatigisat aningaaserivimmi aaqqiissutinik piginnittumut akileraarutigisassaassapput.

Nr. 3-mut

Aalajangersakkap kalaallisoortaa qallunaatoortaanut naapertuuttunngortilerneqassasoq siunnersuutigineqarpoq.

Nr. 4-mut

Imm. 7-imut

Aktiaatit imaluunniit piginneqataassutsit, niuerfimmit aalajangersarneqartumit imaluunniit niueqatigiiffinnit arlalinnit niuernermit peerneqartut, peerneqarnissaat sioqqullugit nalingani nalunaarsorneqartumi kingullermit nuunneqarsimasutut isigineqassapput.

Soraarnerussutisiaqarnissaq siunertaralugu ileqqaakkani aningaasaatit aktianut nalunaarsorneqarsimanngitsunut il.il. aningaasaliissutigineqarsinnaanngillat, tak. § 47 d, imm. 1, aningaasarsianit akileraarutit pillugit Inatsisartut inatsisaat. Aningaasat suliffeqarfimmut niuerfiujunnaartumut aningaasaliissutigineqarsimappata, aktiat il.il. niuerfiujunnaarnissaa sioqqullugu nalinganut nalunaarsukkamut kingullermut aaqqiissummit peerneqassapput.

Suliffeqarfik niuerfimmit aalajangersaaffigisaasumit imaluunniit niuerfinnit arlalinnik peqataaffigineqartunit nalunaarsugaajunnaarnissaminut qinnuteqarsinnaavoq, taamaattoqarnerani, aktiat nalunaarsugaajunnaarneq sioqqullugu toqqorsivimmi immikkut ittumi kontomi soraarnerussutisiaqalernissamut ileqqaarfimmut atassuteqartumi inissisimasut, nalunaarsugaajunnaarnermi Inatsisartut inatsisaanni § 11, imm. 3-mi naliusup aalajangerneqarneranut periutsimit, aalajangersakkami imm. 7-imi aktiat nalunaarsugaajunnaartutt il.il. pillugit aalajangersimasumik naliusup aalajangerneqarneranut malittarisassami pingaarnermit nuunneqassapput.

Siunnersuummik erseqqissarneqarpoq, aktiat imaluunniit piginneqataassutsit, niuerfimmi aalajangersakkami imaluunniit niuerfinni arlalinnik peqataaffigineqartunit niuernernermit nalunaarsugaajunnaartut, nalunaarsugaajunnaarnerat sioqqullugu nalunaarsuinermi naliusooq nalunaarsorneqartoq malillugu tunineqartutut isigineqassapput.

Assersuut 1

Aktiaat ukiumi isertitaqarfiusumi 20. januaarimi ukiullu isertitaqarfiusup sinnerani toqqorsivimmi immikkut ittumi kontomut soraarnerussutisiaqalernissamut ileqqaarfiusumut atassuteqartumut inissinneqarpoq. Aktiaat januaarip 20-ani nalinga 200-miittoq pisiarinearpoq, 1. julimilu kingullermik nalunaarsorneqarnerani 230-mik naleqarluni. Ukiumi isertitaqarfiusumi ukiumoortumik naatsorsuinermi kingusinnerpaami ilumi naliusooq 256-isutut allassimavoq.

Siunnersuut malillugu nalunaarsugaajunnaarneq sioqqullugu naliusooq nalunaarsorneqartoq kingulleq (230) malillugu tunineqartutut isigineqarpoq.

Assersuut 2

Aktiaat ukiumi isertitaqarfiusumi tamarmi toqqorsivimmi immikkut ittumi kontomut soraarnerussutisiaqalernissamut ileqqaarfiusumut atassuteqartumiippoq. Aktiaat ukiup isertitaqarfiusup siuliata naanerani 100-mik naleqartutut nalunaarsorneqarpoq, taamaasillunilu tamanna ukiup isertitaqarfiusup matuma aallartinnerani naliulluni. 1. septemberimi nalunaarsuiunnaarnermi kingullermik 130-tut naleqartutut nalunaarsorneqarpoq.

Siunnersuut malillugu nalunaarsugaajunnaarneq sioqqullugu naliusooq nalunaarsorneqartoq kingulleq (130) malillugu tunineqartutut isigineqarpoq.

Aalajangersagaq siunnersuutigineqartoq aktianut imaluunnit piginneqataassutsinut, suliffeqarfimmut aktianik piginneqataassutsinillu tunniussisumut akiliisinnaajunnaartutut nalilerneqarnerata kingunerisaanik nalunaarsuiunnaarnernut atuutinngilaq. Taama pisoqarnerani siunnersuutigineqarpoq immikkut malittarisassaqaarnissaa tak. § 11, imm. 8-p oqaasertassaanut siunnersuut (siunnersuummi nr. 3).

Imm. 8-mut

Siunnersuut immikkoortunut marlunnut avissimavoq. Ilaatigut aktianut il.il. niuerfimmi aalajangersakkami imaluunniit niuerfimmi arlalinnit peqataaffigineqartumi tiguneqarsimasutut, tassani suliffeqarfimmut aktianik piginneqataassutsinillu tunniussisumut akiliisinnaajunnaartutut nalilerneqartumut, ilaatigullu aktianut nalunaarsorneqartunut niuerfimmit niuerutiginisnaanut unitsikkallarneqartunut tunngalluni.

Aktiaatit il.il., niuerfimmi aalajangersagaasumi imaluunniit niuerfimmi arlalinnit peqataaffigineqartumit tiguneqarsimasut, suliffeqarfimmullu akiliisinnaajunaartutut nalilerneqartumiittut.

Pisoqarsinnaavoq, suliffeqarfik niuerfimmi aalajangersimasumi imaluunniit niuerfimmi arlalinnit peqataaffigineqartumit nalunaarsorneqarunnaartoq, suliffeqarfiup akiliisinnaajunnaartutut nalilerneqarnerata kingunerisaanik. Piffissarli sivisooq ingerlasinnaavoq, suliffeqarfiup Inuusutissarsiornermut Suliffeqarfinnullu Aqutsisoqarfimmit peerneqavinnissaata tungaanut. Peerneqavinnissaata tungaanut aktiaat toqqorsivimmi immikkut ittumi kontomut soraarnerussutisiaqalernissamut ileqqaarfiusumut atasumiissinnaavoq.

Siunnersuutigineqarpoq, Inatsisartut inatsisaani § 11, imm. 7, aktiaatinut il.il. nalunaarsorneqarsimanngitsunut, niuerfimmi aalajangersaaffiusumi imaluunniit niuerfimmi arlalinnit peqataaffigineqartumi tiguneqarsimasunut, kiisalu suliffeqarfimmut aktiaatinik piginneqataassutsinillu tunniussisuusumi akiliisinnaajunaarismasutut nalilerneqartumiittunut atuutissanngitsooq. Siunnersuutip imaraa, Inatsisartut inatsisaanni § 11, imm. 3-mi malittarisassa pingaarneq, aktianut il.il. suliffeqarfimmut akiliisinnaajunaartutut nalilerneqartumut atuutissasoq. Tamatuma nassataraa, aningaaseriviup nalunaaruteqartussaasup illuatungeriit imminnut attuumassuteqanngitsut akornanni killilersugaanngitsumik niuernermi nalimut aktiaatit nalingi aalajangissagai, nalinillu aalajangiineq tamanna immaqa 0-imut nalilerneqarsinnaassasoq, aktiaatip naleqannginnera qularnanngitsutut nalilerneqarpat.

Assersuut 1

Aktiaat ukioq isertitaqarfiusoq tamaat aningaaserivimmi soraarnerussutisiaqaarnissamut toqqorsivimmiippoq kontomi soraarnerussutisiaqaarnissamut ileqqaarfiusumut atasumi. Aktiaat ukiup isertitaqarfiusup siuliata naanerani 50-mik naleqartutut nalunaarsorneqarpoq, taamaasillunilu tamanna ukiup isertitaqarfiusup matuma aallartinnerani naliulluni. Ukiup isertitaqarfiusup

ingerlanerani suliffeqarfik niuerfimmit nalunaarsugaajunnaarpoq suliffeqarfiullu akiliisinnaajunnaarnera nalilerneqarpoq. Akiliisinnaajunnaartumut kuratorip ukiup isertitaqarfiusup ingerlanerani nalunaarutigaa, aktiaatillit akiliisinnaajunaartumit agguagassarsinissamut naatsorsuuteqassanngitsut. Taamaattumik aningaaseriviup nalunaaruteqartussaasup ukiup isertitaqarfiup naanerani aktiaat 0-itut naleqartutut aalajangiussinnaavaa.

Aktiaammik annaasaqarneq taamaasilluni ukiup isertitaqarfiusup naanerani nalinganut (0) ukiup isertitaqarfiup aallartinnerani nalinganut (50) ilanngaasiullugu naatsorsorsinnaavaa, taamaasilluni annaasat katillugit 50-imut naatsorsorneqarlutik.

Assersuut 2

Aktiaat ukioq isertitaqarfik 1 aamma ukioq isertitaqarfik 2 tamaasa aningaaserivimmi soraarnerussutisiaqarnissamut toqqorsivimmiippoq kontomi soraarnerussutisiaqarnissamut ileqqaarfiusumut atasumi.

Ukioq 1-imi aktiaat ukiup isertitaqarfiusup aallartinnerani niuerutigineqarsinnaasutut nalunaarutigineqarpoq (nalinga 30), kingusinnerusukkulli suliffeqarfiup aningaasaqarnikkut ajornartorsiornera pissutigalugu nalunaarsugaajunnaarluni. Ukiumili 1-imi suliffeqarfik akiliisinnaajunnaartutut nalilerneqanngilaq. Aktiaat ukiup 1-ip naanerani pisiarinerani akianut (nalunaarsuiunnaarneq sioqqullugu naliusoq nalunaarsorneqartoq kingulleq, tak. Imm. 7-imut siunnersuut) imaluunniit ukiumoortumik naatsorsuutit kingulliit naapertorlugu nalinganut annertunerusumut nalinga inissinneqassaaq. Naatsorsuutigineqarpoq, naliusoq annerpaaq nalunaarsuiunnaarneq sioqqullugu nalunaarsuinerup kingulliup nalingigaa (nalinga 20). Ukioq 1-imi taamaasilluni annaasat ukiup isertitaqarfiusup naanerani nalinganut (20) ukiup isertitaqarfiusup aallartinnerani nalinganut (30) ilanngaatigalugu naatsorsorneqarsinnaavoq, taamaasilluni annaasat katillugit 10-imut naatsorsorneqarlutik. Ukioq 1-ip naanerani nalinga 20 taamaasilluni ukioq 2-p aallartinnerani naliuvoq. Ukioq 2-p ingerlanerani suliffeqarfik akiliisinnaajunnaartutut nalilerneqarpoq, kuratorillu nalunaarutigaa, aktiaatillit akiliisinnaajunaartumit agguagassarsinissamut naatsorsuuteqassanngitsut. Taamaattumik aningaaseriviup nalunaaruteqartussaasup ukiup 2-p naanerani aktiaat 0-itut naleqartutut aalajangiussinnaavaa. Ukioq 2-imi taamaasilluni annaasat ukiup isertitaqarfiusup naanerani nalinganut (0) ukiup isertitaqarfiusup aallartinnerani nalinganut (20) ilanngaatigalugu naatsorsorneqarsinnaavoq, taamaasilluni annaasat katillugit 20-imut naatsorsorneqarlutik.

Aamma pisinnaavoq, suliffeqarfimmi aktiat piffissami sivikinnerusumi sivisunerusumiluunniit niuerfimmit aalajangersaaffiusumit imaluunniit niuerfimmit arlalinnit peqataaffigineqartumit niuerutigineqarsinnaajunnaartikkallarneqarsinnaasut.

Tamanna assersuutigalugu aningaasaqarnikkut ajornartorsiutinik aaqiivigineqanngitsunik, katinnermut, pisinermut imaluunniit tunisinermut pilersaarutinit pissuteqarsinnaalluni.

Aktiaatit, niuerfimmit niuerutigineqarsinnaajunnaarallartut, nalunaarsorsimanngitsutut isigineqarsinnaapput.

Siunnersuutigineqarpoq, aalajangersakkami imm. 7-mi, aktianut il.il. niuerfimmi aalajangangersakkamit imaluunniit niuerfimmit arlalinnit peqataaffigineqartumit niuerutigineqarsinnaajunnaarallartut ilaassanngitsut. Taamaattumik aktiaatit niuerutigineqarsinnaajunnaarallartut pisiarinerani akianit imaluunniit ukioortumik naatsorsuutit kingulliit naapertorlugit nalinganit annerusumik nalilerneqassanngillat. Siunnersuut malillugu aktiaatit niuerutigineqarsinnaajunnaarallartut niuerutigineqarsinnaajunnaarallarnissaa sioqqullugu ukiup isertitaqarfiusup naanerani nalunaarsuineq kingulleq naapertorlugu nalingi aalajangerneqassapput.

Assersuut 3

Aktiaat ukioq isertitaqarfiusoq tamaat aningaaserivimmi soraarnerussutisiaqarnissamut toqqorsivimmiippoq kontomi soraarnerussutisiaqarnissamut ileqqaarfiusumut atasumi. Aktiaat ukiup isertitaqarfiusup siuliata naanerani 150-mik naleqartutut nalunaarsorneqarpoq, taamaasillunilu tamanna ukiup isertitaqarfiusup matuma aallartinnerani naliulluni. Ukiup isertitaqarfiusup ingerlanerani suliffeqarfik niuerfimmit niuerutigineqarsinnaajunnaarallarpoq, ukiullu isertitaqarfiusup naanerani niuerutigineqarsinnaajunnaarallarnera suli atuuppoq. Niuerutigineqarsinnaajunnaarallarnera sioqqullugu nalinga nalunaarsorneqartoq kingulleq 130-uvoq. Taamaasilluni annaasat ukiup isertitaqarfiusup naanerani nalinganut (130) ukiup isertitaqarfiusup aallartinnerani nalinganut (150) ilanngaatilugulu naatsorsorneqarsinnaavoq, taamaasilluni annaasat katillugit 20-imut naatsorsorneqarlutik.

Nr. 5-imut

Imm. 1-imut

Siunnersuutigineqarpoq, aningaaseriviit ukiup isertitaqarfiusup naanarata kinguinngua akileraarusersuinermtut tunngavik kiisalu tamatumani akileraarutaasussaasut pillugit kiisalu § 1, imm. 1-imi ileqqaariaatsit akileraaruteqaataasussaasut taaneqartut pillugit inaarutaasumik naatsorsuinermtut akileraarnermtut ingerlatsivimmut tunniussissasut. Siunnersuut § 2, imm. 2-mut atatillugu isigineqassaaq, tassani ukioq qaammatisiuteqarfiusoq ukiuulluni isertitaqarfiusoq.

Akileraarusersuinermtut tunngavik kiisalu tamatumani akileraarutaasussaasut kiisalu akileraarutit qallunaat aningaasaannik nalunaarsorneqassapput, soorlu aamma akileraarutit qallunaat koruuniinik akilerneqassasut.

Imm. 2-mut

Aalajangersagaq malillugu aningaaseriviup kontomi akileraarummut pineqartumi, inatsisit malillugit akiliiffiusussaasoq kingulleq sioqqullugu sapaatip akunnera sioqqullugu akileraarut tigussavaa. Aningaaseriviup aningaasat tigussavai, aamma kontomi, pappialanut nalilinnut toqqorsivimmut atasumi matussuserneqarsinnaanngikkaluartut. Kontomik piginnittup aningaasat, kontomi sipporneqartut ernialersussavai, kontomik piginnittup aamma aningaaseriviup imaluunniit taarsigassarsiffiup akornanni isumaqatigiissutigineqarsimasumik taarsigassarsiarititanut ernianik, piffissamit tassanngaannit kontomik piginnittumut sippuisoqarsimaneranik aningaaseriviup allagaqarnikkut paasititsineranit. Naleqquttutut isigineqarpoq, sippuineq taarsigassarsiarititanut erniarnik isumaqatigiissutigineqarsimasunik ernialersorneqassasoq, taamaasilluni soraarnerussutisiaqarnissamut aaqqiissutit tamaasa pappialanut nalilinnut aningaasaliissutigissallugit pitsaassuteqassanngimmat, taamaasillunilu kontomi aningaasaateqarfimmit soraarnerussutisiaqarnissamut pissarsianit akileraarutit akilerneqassanngimmata.

Nr. 6-imut

Siunnersuutigineqarpoq, aningaaseriviit kingusinnerpaamik 22. januaarimi akileraarutit akilissagaat. Peqatigitillugu akileraarusersuineranut tunngavik aamma taakkunannga akileraarutissat kiisalu akileraarutit § 1, imm. 1 naapertorlugu ileqqaariaatsit akileraarutissaasunut naatsorsuutit nassiunneqassallutik. Akileraarpallaarutit ernianik naatsorsorneqartunik ilaqartut aningaaserivimmut akilerneqassapput.

Nr. 7-imut

§ 11, imm. 7, sullitap aningaaserivimmut pisussaaffia, tamakkiisumik akileraartussaanerup atorunnaarnerani nalinganik aalajangiiniarnermut aalajangersagaq eqqarsaatigineqanngilaq. Piffissami akileraartussaataanerup atorunnaarfiani ukiumoortumik naatsorsuutininik nutaanik takkuttoqarsimasinnaavoq, ukiup siuliata pissarsianik akileraarusiinissamut tunngaviusimasumit allaanerumik. Taamaattumik siunnersuutigineqarpoq matumani § 18, imm. 3 eqqarsaatigineqassasoq, taamaasilluni soraarnerussutisiaqarnissamut pissarsiat akileraaruserneqartarnerat pillugu inatsimmi § 11, imm. 7-mik atuinermi, akileraartussaataasup naatsorsuutininik kingusinnerpaanik tunngaveqartunik, naliusunik aningaaseriviup akileraaruserineranut tunngavimmik naatsorsuineranik atugassanik aningaaserivimmut nalunaaruteqartussaaneramik piumasaaqateqartoqassalluni.

Nr. 8-mut

Akileraartarnermut ingerlatsiviup malittarisassat atuuttut naapertorlugit, naatsorsuinerup inernerusup tunniunneqarnerata kingorna akileraarnermik naatsorsuutit allanngortissinnaavai. Akileraarutaasut allanngortinneqarpata, akiliinerup kingorna ukiumi isertitaqarfiusumi tulliuuttumi 8. januarimit nikingassut ernialersorneqalissaaq. Siunnersuutigineqarpoq, piffissamit tassanngaannit nikingassut ernialersorneqalissasoq, ernianillu, aningaaserivimmit akileraarnermut akiliinernit nalinginnaasunit amerlaqqataanik, naliliinerni allannguinerne allani soorlu taama ittoq.

Nr. 9-mut

Siunnersuummi nr. 8-ip kingunerisaanik allannguineq pineqarpoq.

Nr. 10-mut

Aalajangersakkamik aalajangersarneqarpoq kontomik piginnittup soraarnerussutisiaqalernissamut aningaasaatit ilaannit pissarsiat akileraaruserneqarnissaannut naatsorsuinermit atugassanik naliliussat pillugit paasissutissanik § 11, imm. 7 malillugu nalunaarutiginnippagit.

§ 2-mut

Inatsisartut inatsisaat 1. juli 2018-imi atortuulissaaq ukiumillu aningaasarsiorfiusumit 2018-imiit atuutissaaq.

Taamaasillutik eqqarsaatigineqarput, ilaasunut tamanut, matuma ataani innuttaasunut, soraarnerussutisiaqalernissaaq siunertaralugu ileqqaagaqartunut, ileqqaakkanit pissarsiat akileraarusersorneqarnerisa isumaginissaanut tunngaviusunik, IT-kkut programminik pioreersunik atuinissaaq ajornannginnerullunilu akikinnerussasoq. Saniatigut eqqarsaatigineqarput naatsorsuinerit takutimmassuk, Pigisanit pissarsiat ilaasa akileraaruserneqartarnerat pillugu Inatsisartut inatsisaani malittarisassat imaluunniit Soraarnerussutisiaqalernissamut aningaasaatit ilaannit pissarsiat akileraarusersorneqartarnerat pillugu Inatsisartut inatsisaanni malittarisassat malillugit akileraarut naatsorsorneqarpat, innuttaasunut assigiinnngissuteqassanngimmat imaluunniit annikitsuinnarmik assigiinnngissuteqassasoq.